

午  
風  
堂  
集

午風堂集卷二

無錫鄒炳泰曉屏著

水邨即事

水村迤邐出林隈，有客溪橋訪隱來。  
急喚漁舟落帆住，松江携得幾鱸回。

庭前棗樹一枝枯，三閱月積雨復蘇。  
感而賦此

西圃移來從上巳，節過小暑始抽芽。  
病餘不受三春色，雨後初逢六月花。  
竹共清陰迷晚迳，柳成殘

夢散朝衙

與柳一枝同植庭前柳  
旋弄此樹經雨復萌

兒童幾輩巡檐

喜嘉賓垂垂望正賒

時將北上別若洲阿巢葑齋諸子

渺渺疎林掩落暉故人樽酒又相違  
三年鄉國真如寄千里京華轉是歸  
夜雨蓉湖新恨集西風鶴墅舊遊非  
如何未別先相憶離思兼秋淚到衣

舟行北固山下有作

暮色迷離上客舟蒲帆十幅下神洲  
林盤京口隨烟沒峽入江心倒海流  
十載看山尋舊夢一燈歸雁試新秋  
此來重証客遊記怨煞長風不少留

江上送人之九江

揚子津邊荻花白西風瑟瑟響清夕  
驪歌一歇江上寒孤舟夜發潯陽客  
平江西望入清秋秋思深如萬里  
流水簾看到康王谷攜得春茶十餅不

送王子澄之任楚中

柳枝蕭瑟老江干五馬宵征喚鶴灘  
客裏星河三楚盡驛程風雨一山寒  
蠻烟晝合迷迴磴岷水秋深上急湍  
十載探竒江上路不堪西望尚漫漫

舟過甘露寺

江風半飽峭帆低京口烟深望轉迷  
北固山前聽梵放月華初過大江西

登燕子磯俯江亭作歌

我騎白龍浮江迴江雲蕩出千蓬萊一峯斜掠落  
江外飛潮倒瀉橫江來乃知石燕啄江渙化作危  
磯屹如此濤頭激突勢更竒三面哈呀不能艤是  
時八月暑氣收山色在水秋江秋歸舟一一點天  
末吳中吾友今來不須更濤湧天地愁江妃十隊  
漫江遊琉璃堆破銀山浮巉崖失勢慄欲流坐客  
不語聲啾啾欲下不下牽衣留我登絕頂逸興發  
一飲千鍾未肯歇危塗立足自深穩氣與風濤兩  
衝突俯窺巖洞窈復深解衣欲探蛟螭窟此地誰

知別有天漁子江潭自出沒  
桃花何必問桃源  
攜竿坐待山頭月  
江潭幽絕共忘機  
殘蘆風定白鷗飛  
他年重証結鄰約  
起看烟水籠漁磯

登幕府山

仙人臺上碧山秋  
幕府重尋鼓角收  
絕嶺依然成物色  
過江從此見風流  
泉飛怪石中峯出  
松宿歸雲別澗幽  
地僻莫嫌遊屐少  
水光巒翠不勝愁

靈谷廢寺

虛谷萬松風精藍積翠中  
寒聲到門合往事過江空  
德水餘龍影仙花聚鹿叢  
誌公遺塔在銘字幾

人同

雞鳴山憑虛閣

傑閣層崖倚憑闌  
縱目餘連岡  
但樹色初地接雲  
居山兩驟生響人烟寒  
欲虛功臣遺廟在  
循麓馬行徐

功臣廟

黯澹星旗向晚風  
功臣遺像肅元戎  
軍聲楚漢由來壯  
心跡韓彭恐未公  
上口靈壇餘養鼓  
當年高廟自藏弓  
雞鳴山色連鍾阜  
十廟何人問始終

雨花臺望大江

走馬城南落日低，高臺秋霽自攀躋。  
帆連峯勢時爭上山，控江聲欲向西初地。  
曇花猶散谷六朝，春草自平蹊水光巒色長。  
如舊論古何嫌物我齊。

赤石磯

磯前結茅屋，漁人泊舟處。  
山花無數紅，流入江潮去。

紫竹林禪院

回首見獅峯，城頭萬籟風。  
歸僧松影外，清磬竹聲中。  
經訪鹿輪字，戒參螺畫切。  
一亭兼一閣，結搆自

愚公



幽棲寺

四祖傳經地當年此結蒿林巖兩崖合樓與一峯  
高古洞緣幽州平欄上綠猓幽棲真出世攀陟未  
辭勞

永濟寺

積翠上烟霄懸崖不可招佛幢依屋洞毗閣挂山  
腰寮靜僧分竹江寒客候潮登臨從小憩燈火話  
南朝

登三宿巖

虞雍公題  
名尚存

人言寺在山茲獨山巖寺玲峯何嵌空舊日江濤

致巖名號三宿勝地雍公次憶昔海陵騎采石百  
萬幟晨炊玉麟堂權潛忠未至犒師非督師轉敗  
出人意不生裴度忠臨安恐終覬翩然文武才貞  
拔社稷志江帆一夕收千載題名字傑閣閱興亡  
雙塔經移置遊人石磴還尚說前朝事靜海起鐘  
聲江鷗沒沙際

卞忠貞墓

千載忠魂此地藏行人爭說冶城旁旌勲自許同  
嵇紹伏節猶聞感翟湯雲斷劍岡山色澹風來琳  
宇柏陰蒼悠然超世悲王謝何似靈宮草亦芳

槐葉渡

春風水閣多渡口雨新漲不見打槳人長橋卧波  
上

牛首山含虛閣放歌

西峯首若聳東峯首復掉六丁下鑿雙關開何年  
天中樹此初陽照入山山色猶未暮古木長松四  
山布竹風僧院一小憩屏息攀崖怯迴顧忽聞宏  
覺鐘霧色含空濛山谿路絕難遙度捫蘿越澗猿  
孫通天風颼颼月初作乘風直上含虛閣我招江  
月到山寺松間一道流金錯誰道青山似洛中此

典金陵奠垠堞北固還為後戶鉞采石真如北門  
鑰朱衣空笑遣三千神都自是天荒度右接祖堂  
山左近獻花岩勝地由來誕佛祖今來我亦忘吾  
凡夜深脚軟路復及留月看山辨南北蔣山博望  
在指顧江雲欲起天深黑詰朝重到小星槎迴睇  
林巒付潑墨

石城橋逢王子沖

春帆何處聽吹簫江月升舟隱暮潮訪得故人來  
雪苑夜深重上石城橋

定林寺

見寺每獨往尋途問負薪  
觚峯不截閣岩草亦成  
茵葛井苔為甃龍池石作鱗  
偶來心已寂初地返  
吾真

秦淮水閣二首

板橋何處踏晴沙今夕論詩興  
正賒歸燕至今依  
水榭寒潮終古送江花  
青屏午瑟重重幙白舫明  
燈淺淺紗莫向尊前傷往事  
夜烏啼罷月痕斜  
閣外飛霞迴出塵水邊簾影不勝春  
遺聲南部名  
空記芳草東風路有因  
夢裏新愁衣上酒花時細  
雨渡頭人離心合似東流水  
夜夜波添九曲濱

莫愁湖晚眺

蒲帆小住閣西頭，江外諸峯色欲秋。  
歌罷江南斷腸句，莫愁湖上亦生愁。

清涼寺

翠微亭上幾經過，花雨諸天一剎那。  
近寺鐘聲經霧溼，壓城山色送晴多。  
井華土暈餘殘甃，壁皴苔封卧古柯。  
小憩禪關誰入定，欲招涼月夜如何。

後湖

黑龍潛去水軍收，此地空連太液流。  
宮柳猶餘舊時樣，滿湖烟樹不成秋。

水上游觀士女駢踏隄爭試越羅鮮青荷風裏漁  
歌起猶認停橈唱采蓮

路入華林鼓吹空綠莎斜沉野蒲中兩三水鴨衝  
舸過不見樓船試晚風

平堤衰樹影初寒八代風光一樣殘日暮西風生  
浪急後湖真作水鄉看

宿棲霞寺贈秋曇長老

江天蕩雲色靈光漏空嵌化作萬霞片長此棲  
巖  
巉入門頓幽寂始覺吾儕凡松林積寒翠潭水澄  
空函山山遍藥草香氣霏輕衫重嶺復孤峙繖蓋

誰容攀諸天會千佛花雨紛孱顏一步一稽首到  
此天開岳我來值初夕新月當山銜上人正入定  
留雲護禪關攝生不在葯息機當在山妙諦兩無  
言叩寐知忘還

句容道中

客行動歸思茲地又經過一騎松林遠前山露氣  
多峯高不度雁潭古亦生波去去江鄉近當風聽  
棹歌

廣陵舟中送馮道州西還

黃鳥啼高樹離人悵遠行問子將北渡憐尔欲西



征細柳春山驛寒烟別浦城新愁江上水一送布帆輕

煬帝夢遊雞臺歌

紫淵宮殿鬱崔嵬一詔江都翠輦來汴水紆滌銜  
拂艦昆岡迤邐出樓臺樓臺處處東風起楊花搖  
蕩春如許歌筵塵飛駐晚風舞衫珠動迴行雨風  
風雨雨無定時項昇昨進新宮詞三千粉黛齊望  
幸迷樓烟結何遲遲祥烟結處香百和行樂宮中  
不知情淺注靈虬覺晝長久披曠夢忘春過輝輝  
明月滿前川雕盤陸續開廣筵不道風光迷宴樂

只愁霄漢感神仙錦帆來去還相競畫橋廿四垂  
楊暎夾岸林深綴曉霞平江月落澄寒鏡流連畫  
舸樂不休豪華門盡真無憂誰知玉樹陳宮曲幻  
作雞臺夢裏遊行樂常如春夢裏一朝零落孤烟  
起迷離青草遍雷塘故宮斜對荒江水秋來江水  
夜潮平別浦空傳水調聲細雨疎楊橫北渚西風  
螢火滿蕪城君不見臨春閣上孤鶯宿野花自發  
苔空綠憑君莫唱後庭花秋風一起花還落

史閣部祠

督開江上陣雲殘開府揚州力已殫宗社既墟空

雪恥東南何計得，偏安戈操四鎮崩。離甚制出中樞，進取難郭外。招魂祀笏在大江，聲徹嶺梅寒。

寄吳秋岳

十里邗江水流徙，九曲橋知君谷口。住時見廣陵潮客館，吟紅藥春帆奏玉簫。宵深竹西路，清月正迢迢。

若洲粵西書至却寄

一從旅食滯巖疆，藤峽秋深樹渺茫。千里故人衣尚素，十年遊客鬢先蒼。蠻程瘴雨勞勞路，佛舍雲花細細香。記取燈前談桂海，對牀京雒熱都梁。

初秋江閣書懷

新移小閣近松坡涼雨收時少客過送別年來詩

味苦聽秋江上角聲多書攤曲几吟蝴蝶

時編謝無逸溪

堂集初竣樹老疎軒感索駢千里歸雲勞遠夢一尊相

對夜如何

泰安道中和秦禮堂太守

重雲觸石滿山阿羈客秋深意若何地界巖疆千  
帳靜山朝靈嶽萬峯多人家寡迴岡前合水道微  
茫樹杪過薄暮欲投郵店宿月中清響記樵歌

又過嚴關幾日程征衣頻作上山行人當衝邑交

常少家種山田賦尚輕  
驛舍荒雞迴遠夢高陵殘  
角雜秋聲南來遊子多惆悵  
候吏何勞問姓名

獻縣旅舍逢王丈

秋晚驅車樂城道  
獻王墓畔餘荒草  
城頭落日逢故人  
入門一笑松陵老  
松陵王君初入秦  
十年不見形難真  
川原遼落音問絕  
何期信宿還相親  
興來邀我上酒樓  
深杯夜酌思故邱  
悲來舊事一時集  
客中憶盡當時遊  
昔年結交遊俠客  
春流白舫朝復夕  
鷗鷺典盡換春酒  
長嘯高歌夜未歇  
百花洲上春風和  
起看珠露墮江沙  
吳姬壓酒簇浩歌

明星爛爛當秋河白月一半西江多欲落不落奈  
愁何此樂幾時已蕭索關門一別離歌作君過三  
峽下江湘余渡黃河滯京洛笑問春愁幾許深一  
夜飛花春盡落舊事茫茫時歲更客中相對慰離  
情來朝君更雁門北愁聽陽關蘆笛聲

楊村驛和朱文元會

行役已云久羈愁近若何帆前白雲合河畔綠楊  
多村晚鳥空噪堤深水不波那堪過趙北子夜聽  
吳歌

九日潞河北極閣同陳太暉孝廉作

那堪異地逢佳節，客裏登樓興不違。  
九日風烟人北望，一城砧杵雁南歸。  
相看驛路寒花晚，已覺交河落葉稀。  
寂莫津亭秋水濶，登盤紫蟹近來肥。

白鶴山頭載酒遊，毘陵逸事已經秋。  
誰教匹馬來千里，翻笑伊人滯一州。  
極浦帆檣浮郡郭，西山風雨到城樓。  
菰蘆聲起歸鞍晚，秋思迢迢似水流。

自大通橋泛舟至大光樓簡晴沙侍御

平堤曲曲鳳城隈，一水澄清鏡面開。  
不盡蟬聲三十里，溪楊深處小舟迴。

野烟漠漠菴清波，萍蓼香中起棹歌。  
行盡清溪過

三閘無多跋涉亦關河

鬱鬱松林隔暮雲殘碑卧處墓門分紙錢社酒晚  
來急明日中元半上墳

迴溪行盡見危樓落日帆檣夾岸稠一騎疎林歸  
未遠綠烟城郭古元州

河橋贈別

客路今携水上樓驪歌按急使人愁不堪重譜江  
南弄落盡梅花溪水頭

寄弟

西山山色到庭隅一卷斜川足自娛阿士文章應



屬汝幼輿邱壑欲歸吾延風晚閣溪前竹留客秋  
齋海上鱸待築草堂行計決月明相送宿菰蘆

鄂怡雲將歸京師以牡丹二種見贈

遺我曹南種恰當秋已殘未須好花發先憶故人  
歡覆土背深竹移根依曲欄京華容小住曾得幾  
迴看

顧晴沙侍御席上送陳太暉南歸

同是還鄉客看君先我歸江南多候雁應惜一行  
飛

八月十五夜潞河見月

作客三年久人還滯潞河更堪今夜月偏向北樓  
多

晴沙侍御招集潞河大光樓送王笠人孝廉

南還

楊柳正搖落扁舟下潞河吳歌入夜急鄉思為君  
多清月臨邊渡秋風起夕波樓頭莫南望已有塞  
鴻過

送人從軍

水落榆林晚頻年萬里行北風依遠戍邊月上孤  
城路入回疆遠身隨漢將輕玉關看送喜大凱正

休兵

和秦儀部朝爽樓雪中燕集

朔風瑟瑟點歸鴉朝爽樓前雪作花為有青溪舊  
詞客相逢賀老聽琵琶

金川凱旋紀事

威弧西拍肅

天聲一掃蠻氛笳徼清事出安邊占武定功緣除  
暴協帥貞兵銷玉壘雲間戍春到柅關驛外程擁  
伐由來非獲已救寧方識

聖人情

星源月竈悉徠臣  
蠢爾遺梟性弗馴  
搆惡昔曾中  
禹伐黨奸今復負

堯仁無端冕兔思營窟  
何物陰螂敢拒輪  
猶冀錠  
絛同受約陸梁終自外

鴻鈞

帝庸一怒振

天戈玉虎兮符絕嶺  
過威懾九狐邊  
月肅芒開八  
纁陣雲多遊魂宵竄  
弦還怯飛棧朝吞壘  
更摩比  
翼先除揚旆進和門  
吹角徹山阿

峭壁凌嶒幾億尋  
那容食甚尚鴉音  
重移上將膺

麟節特簡神兵出羽林師合正奇聯掎角隊嚴偏  
伍制攻心迴戈旋報收封垤直指星換壓境臨  
萬里軍書迅羽符先幾

指授仰

神謨宵深候報

宸衷切口及批章

睿慮紆斷則有成知百勝仁斯無敵用三驅桓桓  
禁旅衝堅入落膽今真懼訓狐

峰回水馬絕人寰夔鼓宵鳴制力艱百道懸礮連  
峻坂千盤飛雪壓層山自然秋籜迎風掃原有吳

鈎對片彎，鶚負昨先空。舊窟師行天上，說翹關。  
欖槍一夕落寒芒。驛路紅雲捧露華。金穴已看擒  
黠鼠，隻輪不遣走封狼。建牙保障，開雄鎮，

授鉞勲庸冊。

尚方夾道，羌兒齊拜舞。春風直過百蠻疆。

旭迎

雲罕曙光浮，正值鳴銚次道周。去日梅花橫玉笛  
來時楊柳拂金溝。

勞還敦典紆

鑾輅獻捷論功啟

鳳樓自昔平蠻真未覲  
凌烟圖繪盡承床

午風堂集卷三

無錫鄒炳泰晚屏著

題方魯翁虛谷深松障子

吾家方魯老畫史金陵八家罕其比卜居近在石

城邊石城山色清如此早年筆法有父風

方魯父滿字

片圖價重琴溪紙中年畫山多畫松大松小松隨

意使大松爭購不可得小松厯厯山頭是山堂白

畫虛籟起瞥開一障千林時却疑春雲盡盡過春

陰半落僧房裏吾宗畫格代有賢衣白

之麟

彥吉迪光

擅殊技筠居

鳴

漫士

益

出新意猶以偏師紹前軌



是翁有子曰壽坤盡山則妙松則否乃知法意不  
兩傳呼松非松技觀止嗟哉流落幾歲年飛塵黝  
面來燕市午風堂前新雨霽小署蠅頭紀甲癸翁  
喜緘歲今有人澹圃容臺誰擅美

寄題蕭澹園清味樓

白水君還住人來清味樓階前餘野竹門外即湘  
流隨意釣寒渚有時樵遠邱如聞昆季好煮葑蓏  
忘憂

倪高士竹題寄楚僧清照

高人冰雪生胸次小坐禪房意倍清寫得階前秋

後竹夜風吹到楚江聲

送蕭澹園文學歸祁陽

幾載山中逐遊釣，強君新脫芰荷裳。  
往來京洛心相許，話到家山興欲狂。  
近郭花明秋浦月，過江鴻落薊門霜。  
宵深動我鄉園思，帆影何時度谷陽。

送曹

麟開

之官黃梅

淮楚分疆處，征帆路幾程。  
雲深四祖塔，山壓九江城。  
九江王黠布所築入饌鱖魚脆，舒牀棕簟明。  
參軍遺墓在清酒，一為傾。

題家念喬侍講竹院招涼小影

小憩依巖石飄然綠髮仙坐收新黛色來試嫩涼  
天活水穿林迴疎篁帶雨妍自餘塵外意清絕煮  
山泉

吾宗推雅望神骨自然清橐筆有新句看山多遠  
情竹雲三迳淨烟水一渠明何日青溪約相從著  
屐行

題豕晴川柳市漁村圖

板橋楊柳一絲絲蟹舍魚莊護短籬亭午漁人爭  
曬網後湖還趁晚潮時

憚南田清溪歸權圖

瑟瑟陂塘餘落葉疎疎村野半含烟  
分明管社莊前路小舫寒流記往年

題王榕軒筆子

出關西望碧孱顏謾謾松聲絕嶺間  
知爾今朝逢上巳謝公携屐永嘉山

題董宗伯畫卷

尚書筆墨真超詣二百年來已絕塵  
變得倪迂秋後景斷橋衰柳有行人

邵文莊溫硯鑪歌

紫光煜煜蕃銅鍊火色初融墨花濺  
桂坡妙製二

泉銘歲寒良友今重見鑪高三寸長尺許左注温  
湯右安硯小物自具來復理濟以水火通其變容  
春堂中春幾許能使陽春駐飛霰夜深凍雲捲蒙  
素化却松泉瀉丹甌定性書中自箋說點易臺前

幾磨研流落何年歷劫灰樊榭新詩尚留戀文並銘詞

見厲樊榭集一朝神物邗江出攜向山阿續清燕急加

什韻貯山房肯與竹鑪為後殿鑪失已久近得

松菴與竹鑪並傳吁嗟一鑪亦偶耳去而復得如轉旋竹

鑪出處伯仲間墨卿竹友還同傳竹鑪失願舍

若侍鶴齋中得之乃知物自以人重夜半山神拍手拈禪

寮兩鑪今具在竹鑪妙墨空餘羨六丁下取付一

炬轉眼名圖瞥飛電

歲己亥竹鑪詩卷為邑令邱某不戒於火

渴龍不

吸硯池水化作西神雲一片古賢遺製碩果存誰歟供養山僧倩

送王大雪宮南歸

秋水已辭綠秋林亦漸彫北風吹遠道一夜故人  
遙驛路晴看雁江樓晚聽潮如逢邗上客重訪玉  
人簫

晴沙侍御至都門同畫莊朱文雪宮王大集

秦岵齋儀部寓齋

忽忽不自得逢君儀部家  
聯吟當永夜滿酌對疎  
花細雨高城雁秋聲萬井笳  
諸公亦羈旅憐我滯  
京華

憶膠山西林舊遊

膠鬲墓前多堇花  
春來幾樹新含芽  
硯亭遺事誰  
與續猶說西林處  
士家

南溪

一夜南溪雨  
春愁滿小樓  
門前流水急  
已失白蘋

洲

石琴歌為總憲劉石菴先生作

夜泉到壑林烟冥迴湍激石波泠泠虛廊寂歷忽  
掩卷海山仙客流雲停問攜此物自何穴零陵萬  
石穿山陁色如古漆響攫醜空中剡首存雷形石  
材清矣和未足清和皆備聲通靈猶疑秋瀑漱山  
骨挾以松吹來虛庭時聞鳴玉韻一折春風瀉入  
春巖扃諸城夫子生好古兩年撫楚邦人寧持歸  
此石備

天府南薰普暢諧

虞廷製希蜀客霄與珏朱絲玉軫留前型偶然蕭  
客一指擊明月入戶棲寒櫺賢師定慧久不見箏



簫洗耳愁腸醒我傳佳話續清祕秋塘寒玉空遺  
聲

春雨遣興

幾日陰晴為養花雨中春色屬誰家人行樹底屐  
添滑風定闌前枝尚斜車騎九門寒食節鶯花三  
月曲江衙客中何自添愁緒聽罷吳歌感歲華

癸卯上巳作

上巳逢寒食春深未送寒小池俯洛稷淡粥當餚  
餐野竹少人護山桃何處看今宵鄉國夢猶自繞

湖干

棟鄂氏舒相國子婦也夫死投繯殉焉為作

詩

連朝苦春雨悵此春懷孤鄰翁扣門言盛事傳大  
都有女殉夫死卓哉大節扶問茲誰家女翁言名  
閔姝家翁相國貴夫也玉雪如前年初結褵由來  
禮無渝新婦奉盞匝寒燠親以娛記來烏龍塞白  
草連黃榆長途日日雪遠侍忘勞劬歸來未三載  
出入叶唱喁誰識錦瑟怨淒絃忽以殊君子病不  
起吾生計非迂慰姑作笑語掩面含悲吁知從我  
初念寧勗我後圖飾終已粗盡臨穴將與俱殷勤

別如婢婉曲辭舅姑絕粒自茲始更衣惟所需涸  
魚亦比目堦樹亦連株泉途相唱隨生誠不如無  
聞言肅起立偉此女中夫伊昔有傳聞諸史盛楷  
模共姜苦賦柏范姊甘利膚蹈死意從容心跡千  
載符旌祠見棹楔史氏操玉觚屋梁鳥不啼谷陰  
蘭弗枯鄰翁復何言相與聽歌虞

商婦怨

昨夜夫壻歸今向湖州去博山鑪未溫已見明星  
曙

秦南珍先生山茶水仙障子

昔年卜築西溪上，隔塢花叢列相向。寒花獻歲更  
解事，小試春容紛異狀。山茶先發自嬌好，迎春已  
作春風樣。水仙清馥半未開，交枝翠竹當窗颺。竹  
與梅松本三友，此友新知乃相抗。態濃意淑正雪  
後，亦與歲寒成素尚。南珍夫子好事者，妙入新編  
列屏障。為予補此新年圖，歲歲清齋足供養。

編緝永樂大典初啓局紀曉嵐先生邀集錄  
意軒籌定事例同與者劉書臺雲房葛靈  
蹊林香海諸前輩

秘館新讎未見書，釋經人到鄭公廬。誰矜名里希

通德不數羣編列遂初石磴茶香清暑後閣陰梧  
韻晚涼餘幾人此地傳佳話文獻他年一問渠

送畢秋帆先生兵備鞏昌

仙官昨夜初分閫駐節巖疆按部過兩界河山秦  
塞遠十年碑版館垣多新詩

寵紀觀耕什異績歡傳喜雨歌  
都門極望意如何

西來鞍馬暮雲邊地入秦階路幾千  
百道鳴泉盤隴阪萬峯飛雪壓秦川  
嚴程五月經山驛近堡千家入塞天  
遙憶故人京雒盛起看清月幾回圓

送王良載前輩守柳州

馬平山色鬱盤盤，仙奕山前駐馬看。  
瘴海秋深雲嶠濕，龍城木落柳江寒。  
清時自重安邊策，蠻俗猶傳舊史官。  
日晚羅池亭外過，黃柑依舊結清歡。

李西華少司空賞番圖卷

濛濛烟水瀟湖東，青天一髮羣山空。  
荷闌毘舍古荒服，破帆屈蠶生長風。  
雙旌杳杳辭

丹闕繡衣按部凌晨發，問俗經年到海隅。  
宣昭德意絞珠窟，文身舊俗刺墨留。  
細腰垂耳聲咿嚶，拜羅道側見天使。  
嫗嫗款款樂且休，真人之風馬

祖雨海濤怒息澄清秋憶昔林顏燭遺孽赤嵌城  
高荷夷入鷺水東南水氣腥草雞長耳還營穴天  
光一照海氛消靖海將軍氣殊絕雞籠牛澳陣雲  
深水犀酣戰妖旗折臺員收入按圖來五載皇華  
更使節臨川司空邦家光讀書經國期允臧操防  
撫輯兩持重賞以春夏孚殊方番童番女屢豐慶  
滄溟一帶仁風翔歸來作圖紀盛事聲名翰墨流  
縑緗坡公海外文字變天風萬里舒心芒手持新  
詩令我讀笙鐘萬壑流清商茲遊奇絕快人意驚  
歎詞波迅如駛莫信談天尚有鄒斂手騷壇偃赤

幟

鮑若洲畫芙蓉湖圖寄贈

笑踏東華十丈塵，玉河橋外幾遊春。  
知余近有鄉園思，寫得家山寄故人。

雨中夜坐

溪堂燈火聽離鴻，感舊無端十載中。  
曲奏褚淵餘別鶴，樹非劉尹亦高風。  
人歸竹院愁泥滑，雨過魚塘作響空。  
屈指故歡先後至，翦殘樺燭說江東。

送惟寅叔之鴈門

薊北三年住，愁看塞月明。  
況逢秋節至，更作雁門行。



行霜入千山氣風高萬木聲聽笳生小慣不為別  
離輕

送顧子之濟南

春江舒衆妙落日山更好官橋動離席臨風悵遠  
道故人客歷下孤帆去何早春風度江北千里遍  
芳草雄城盛交遊如君展懷抱鵲華自秋色夕影  
明湖倒名泉七十二搜濶詩腸稿言尋北渚亭一  
望仙人島猶有濯纓人白髮垂垂老

題許戶部穆堂小影

逢君圖畫裏山郭任幽尋自有林泉興非緣高尚

心晚風湖上棹清月澗邊琴莫向清溪照蕭蕭兩鬢侵

大成殿

頒周範祭器歌

憶昨紀年在巳丑

天子釋奠新宮垣夫子從周憲文武備物典策禮  
所敦流傳法器弄中秘款識一一皆堪論羅設中  
堂厥數十邊豆之事惟司存康侯手作寶鼎字饗  
饗徧體餘雕痕康侯鼎饗饗饗紋有銘提梁卣貫以兩耳盖內

二字曰內言

內言卣饗饗饗紋有銘

犧壘犧首兩環勒犧首

子爵子款三足根

子爵饗饗雷紋有銘

簠名召仲最典重六

月初吉丁亥元作者曰名仲考父用祈眉壽永子

孫

名仲簠兩夔耳

又有簠識曰師望鼎彝爰作供

熟飧簠耶銘彝式常度邢疏薛識明其原夔螭紋

異勢蟠鬱兩器先後如篚塤

師望簠夔紋銘曰蕭彝

洗質純

素螺黛蝕

素

觚形亭立雷紋昏

雷紋

犧尊雷盞並

銀錯細縷出骨手取捫

犧尊雷紋盞各一

星斗芒寒自錯

落日月精貫相吐吞豈同旋幹辨鳧氏何啻雌虎

傳司尊五金鑿駮倒山液八書邈欲探潢源薰沐

登壇斂光怪肩比肅立自執膳車攻石鼓與伯仲

槐宮一路春風溫小臣竊位貳太學上丁三屆陪  
班鶴今春

法駕修祀事祗懍典守陳軒楹辟廳鉅製曠代作  
四周水廣環橋門弗惟禮器備周典

文明光格勅五惇高山仰止景行止儒風廣勵雲  
雷屯

壁奎文被萬億禩春雲篆結香紛緼

次吉竹坪祭酒雨後清水橋觀荷之作

十年不向溪亭住憶盡西溪淺淡紅破屋自聽蕉  
葉雨平橋人試藕花風偶隨小舫來湖上欲訪斜

門近水東笑我齋頭太孤寂耕烟遺墨色非空

竹坪祭酒雨後訪翁覃溪洗馬不遇歸途有

作次韻

坡翁笠屐餘圖畫供養年來致絕塵雨後離情同

水閣

用坡公兩後過賈收水閣不過事

壺中清境屬詩人高齋古

籍縱橫字小圃疎花淡宕神寂宗子雲鄰巷住空

尋車轍淖泥新

辛丑臘月十九日翁覃溪洗馬集同人作坡

公生日竹坪祭酒過之拜於像前未就席

去有詩紀事因次其韻

一瓣生香玉局編猶然白髮記年年

坡公子由如  
生日詩語如

何匹馬匆匆去嘉話添來讓子先

竹影橫窗響作秋烟江妙墨古香流

竹坪近得坡  
公烟江疊障

詩帖輸他天際烏雲卷也到華嚴最上樓

秋仲招同翁覃溪洗馬吉竹坪家念喬兩祭

酒陶然亭小集追和查初白韻

十日城西約勝遊到來黃葉下溪流山迴晴郭猶  
含霧風定寒蘆不作秋石塔苔封餘舍利松寮燈  
靜禮賓頭酒闌動我江鄉思瘦馬尋沿即當舟

恭和

御製釋奠後臨新建辟雍講學禮成得近體詩四  
首元韻

鴻規新肇禮從先舉典重超建學年華極

天開時有待舊聞日下語空傳戟墀紐柏條風壑  
衿市疎槐壁月圓名必實符

敷作記斯今振古

大文宣

豐京遙駿鎬京盛寬粟直溫教昉虞四學制惟

天子備六家箋陋漢廷殊人從昕鼓瞻

醇洽風洽華芹振夙儒

七閣徵文會有極先河後海理非誣  
釋奠觀成懋禮詳稽文嗤漢頌卑唐

七旬舉典

儀恭穆百世聞風制煒煌

道仰

君師身式度班趨衿佩胄分行淵淵鼙鼓振振鷺  
嘉會西雍日上陽

祇事初晨稷霽逢自然祥應協時雍侔成瑞璧重  
輪象潤到書田樂歲容吾道大光

言是訓



聖涯增泳學毋慵黌均貳職臣三載領胃環橋忤  
益恭

邱孟植侍御醒蘭圖

廿年聞舊事今見醒蘭圖自有國香在非關春草  
孤何人與紉佩當日憶懸弧采采終朝意循陔詠  
不殊

我有同心友高情到古人蹇驅時訪舊文室不生  
塵得句似長吉為圖知富春誰言矜獨醒嘉樹合  
西鄰

送人南歸

紅牙檀板訴新愁何事江頭賦倦遊不為春深楊  
柳色柳屯田墓在真州

靜明園退直紀事

北地名泉檀

紫都陸經當日品來無分流玉乳爭巖磴小聽松  
風憶竹爐魚艇偶從湖澈合稻田弗與水邨殊  
宸遊特為甘霖籲雨氣噓鬱物已蘇

田家詞

朝來雨已足人在秧田內日落牛未歸牧童卧牛  
背

楊建齋寓居玉泉山西盛言流泉之美惠一

小甌作詩謝之

郊畿品名泉玉泉乃第一由來天上味茗笈未殫  
述支流兮小勺甘冽療宿疾君住玉山西茶香銷  
永日見我嘖嘖稱一啜或過七我本二泉人幾載  
縮京秩詩腸枯似葉談口膠如漆著屐擬尋山十  
約九仍失啣軋小車來隔巷疲驢叱携將春甕月  
貯此幽人室雖無竹鑪煎沙缶松濤溢新涼迴角  
枕清味蘊細帙歸夢到山房僧來話禪律

送蔡葛山相國

予告歸里

漢京疏傅歸鄉里未聞

恩數如公比

君王親製送行詩語到心交斯至矣憶是初元臚  
第人承明翔步領朝紳頭行

璇殿三千叟上直

書廬四十春橫經歲月披陳久聯袂澄懷圖八友  
八友圖成更廿人承華盛事應稱首曲江還許潞  
公兼風度精神望若仙佳話記從

宸藻裏勝談應續藝林先

御榻旁趨綠籤署每承

清問都殊遇起行特許侍臣扶還見

天顏屢迴顧曾記辰冬壁水新天街迴仗

玉鑾停槐風隊裏聯行立

溫語三番體慰頻鷺庭春霰集初曉

天子西雍

親講道上相陳謨賡贊聞諸生鼓篋淵源討古來  
恩遇幾人同進退端期善始終聽說桓榮關內獎  
非追賀監鏡湖蹤歸章昨上誠悃布藥物家山好  
調護還朝兩載又駟歌依依楊柳春明路

手詔官銜為

寵行驛邊人重相公名秋風秋月盧溝道江草江  
花鹿浦城十二蓮峯屹相向登山涉水神猶王鵲  
瑞堂前夜試茶石厓橋外春扶杖顧我師門指授  
深日陪經帳座留箴藤花春雨三年語荔子西風  
千里心回首觚稜日邊麗郵封時計南鴻至五載  
還來共祝

釐敷天

嘉會當重紀

畢亮夫小山招隱小影

畢君匹馬來河嵩拍手一笑東華東手持新詩為  
我誦時與七子爭豪雄梁園一尊睨大復北風片  
席追空同午風堂中明燈紅搜剔秦漢羅青銅賦  
成秦鏡歌未終硯池秋水生長虹是時霜林月初  
上鏡華蟾影交融融天香吹落攜滿袖欲生兩翼  
凌寒穹君身仙骨我夙許隨風一夜遊仙蓬太沖  
招隱不我信小山何處紛幽叢吟餘相對笑不語  
城頭紉鼓遲賓鴻

曉發良鄉迴望西山作

驅車出京國曉發良鄉道每從行役裏始見朝日

好逸遲度重關枯楊幾枝老林間犢響來隄上鴉  
聲早平郊蕩秋色拔起雲中島十月不見雪空翠  
落晴昊丹崖渺難梯綿望清如掃長途倦遊歷紆  
志展懷抱言有同車人塵心滌煩惱

蒙陰旅宿

征程苦雨幾盈旬風送晴雲夜色新野竹無聲如  
待月好山多意欲留人鰻鯊入饌長河近餅餌聞  
香樂歲頻老稚迎門話鄉事使軺行處見來真  
自慈雲寺放舟至惠山顧晴沙王雪宮殿方

邵伯和蔣二酉諸同人適至因成二律



夢裏家山二十春。星程初駐訝非真。多情峰色迎  
征騎。小語秋懷有故人。霜後園林如我瘦。溪前門  
巷幾家新。蒲團夜坐何年事。忍草菴中記舊因。  
憶昔豪情十日遊。鬢絲今怕鏡寒流。幾人已入梁  
溪集。他日誰吟碧社秋。好與松風留別墅。送將山  
雨上行舟。諸君笑我匆匆去。欲賦新詩意尚留。

舟行見菊

江上初聞雁一聲。短篷吹入曉霜清。居人間倚竹  
籬。下野菊數叢秋影橫。

伍子胥廟

在吳山

莫問吳亡事忠魂此地栖潮聲時欲上山勢不爭  
西里社鳴銅鼓江舫聽石雞行人千載恨祠樹晚  
風淒

莫韻亭湖上晚歸為朱石君前輩畫蘭

十日尋山虛夙願兩峯觀瀑愜佳遊匆匆歸去為  
山雨寫入湖蘭淺澹秋

寄贈鐵冶亭學士

蓬山佳話君家擅詞翰如君力更雄句到清竒追  
北郭字除谿怒始南官高羅墨搨心香古小闌書  
堂意構工今日生朝春更好雪花吹暖試燈風

一年春送一年詩感舊年來寄夢思

治亭選集  
國初以來滿

洲諸名家  
古今體詩

著作等身蘇宋在唱酬成帙白劉知峯

覓清味陽坡雪檀板新聲法部詞三五同心愜佳  
會長公得句次公追

### 銅鼓歌

蠻風捲林蠻水惡竹箐叢中鼓聲迤非鞞非鉦振  
谿谷顏雲夜墮銅山却相傳銅鼓大如墩厥製由  
來出越駱建武中興震神武麓冷女子擾夷絡伏  
波將軍老邊事跼跼飛鳶下浪泊中宵戰鼓間道  
來此鼓吞聲笑檐鐸居風破賊嶠南平九真合浦

風摧穉銷成林邑兩銅柱古物何緣散巖壑徑深  
三尺面如鏡腰縮旁圍紛帶索下空口奔聲訇  
戲沙翡翠華文錯空庭一拊健兒走蟾蜍四角還  
驚躍當時獠俗推都老一鼓坐致千牛博午風堂  
中無長物金錯留餘分各各移向簷前聽兩聲無  
射清商更飛霍撫器時時重懷古想見是翁真矍  
鑠銅馬何如款段馬骨相無緣逢伯樂鼓聲弗復  
思將帥惜哉蕙苾甘清約蠻人猶說馬將軍年年  
賽社聞聲愕

送秦端厓前輩北上

君詩不似東野寒浩歌莫賦行路難春風朝

天發征鞍江城春草青漫漫玉河橋外足春色行

行好上承明直全家近有北來音蒲颿十幅東風

力

韋約軒前輩七十

揆辰今七十皓首自研經客去露生白詩成山送

青楷模新館閣才望舊藩屏座上新吾語貽家意

足銘

憶昔陪槐市中心知景素規卜鄰兼得地話舊每相

思小雨藤花飲重陽菊圃詩古松軒外坐人醉玉

山卮

贈張壽雪閣學

人物龍眠盛

禁扉

新恩昨拜遇真稀  
絲綸陪閣弟昆繼  
家世登瀛翰墨暉  
衣上霜華餘舊柏  
風前鵲語到晴薇  
相門副相增佳話  
池北叢談孰比徽

偶題

最憐紫玉別經時  
老却江南杜牧之  
花落不關春夢短  
衍波箋上寫新詞

午風堂集卷之三  
寄李賓王

方塘水暖蒲初結  
小院鶯歸絮已銷  
欲寄素書江路遠  
春愁如許又春潮

寄題法時帆學士小影

五字高如入定禪  
新篇贈已爭傳  
蒲團送老詩人事  
且遲君身四十年

午風堂集卷三